



Kamis, 15 Juli 2021

Ogen: Esekiel 8:1-18



ICIDAHKEN TUHAN PERBAHANEN SI MELKET



Lit lagu anak sekolah minggu nina 'mata Tuhan melihat apa yang engkau buat, buat yang baik, buat yang jahat'. Ertina la lit si terbuni iadepen Dibata, kerina tangkas. Jelas cctv enda ndai terbatas jarak pandang ras tangkapna janah banci ka isabotase kalak, la dat rekamenna. Tapi Dibata, la terbatas pengidahna, la lit siterbuni man baNa.

Bageme tole Dibata ngerana man Esekiel, icidahkenNa kemelketen bangsa Israel. Isuruh Dibata Esekiel nusuk bengket arah lubang guna mpernehen kejahatan ras erbage perbahanen si macik siilakoken pemimpin-pemimpin bangsa e. Erbage bage perbahnen pemimpin e, nutung kumenen seh asapna erdipul, nembah man gana-gana. Iakapna la iidah Dibata kerina perbahanenNa e sabab iakapna enggo itadingken Dibata negeri e. Kejahatenna la saja ilakokenna ibelang-belang negeri e tapi pe enggo ilakokenna ibas rumah pertoton. Emaka Dibata ngukum ia alu mesangat. Banci saja pengangkan pemimpin-pemimpin e Dibata erkuasa ibas simehuli saja. Dikune enggo ceda, enggo itadingken Dibata ia, lanai erkuasa Dibata ije emaka ate-atena saja kai atena ibahanna.

Dibata erkuasa ibas surga ras doni, la lit banci kai pe sibuniken ibas ia nari. Kalak sideban banci si buali, labo iidahna ateta tapi Dibata iidahNa kerina janah banci icidakhenna, ipetangkasna kerina. Me perbahan la pengata-ngata nge Tuhan maka banci denga tempa la iidah ras ieteh kalak sideban erbage perbahanenta si melket e.